



Na osnovu člana 3. stav (1) Zakona o službi u OS BiH („Službeni glasnik BiH“ broj:88/05, 53/07, 59/09, 74/10 i 42/12), a u skladu sa odredbama 2., 20., 21., 22., 23., 24., 25., 26. i 27. Pravilnika o školovanju i usavršavanju u MO i OS BiH broj: 13-02-3-1632/10 od 01.04.2010.godine, a u cilju odabira kandidata/kinja za školovanje na vojnim akademijama u inostranstvu, Ministarstvo odbrane Bosne i Hercegovine raspisuje,

J A V N I K O N K U R S

za školovanje kadeta na Vojnoj akademiji Oružanih snaga Savezne Republike Njemačke, za školsku 2019/2020. godinu

I – PREDMET KONKURSA

Ministarstvo odbrane Bosne i Hercegovine raspisuje javni konkurs za školovanje 5 (pet) kadeta na Vojnoj akademiji u Saveznoj Republici Njemačkoj, za školsku 2019/2020. godinu, i to na smjerove:

- 1.** Artiljerija 1 kadet;
- 2.** Vojna policija 1 kadet;
- 3.** Pješadija 1 kadet;
- 4.** Tehnička služba-održavanje 1 kadet
- 5.** Inženjerija 1 kadet.

II – USLOVI KONKURSA

1. Opći uslovi su propisani članom 9. Zakona o službi u Oružanim snagama BiH ("Službeni glasnik BiH broj: 88/05, 53/07, 59/09, 74/10, 42/12, 41/16 i 38/18“):

- a) da je državljanin Bosne i Hercegovine,
- b) da je zdravstveno sposoban za službu u Oružanim snagama,
- c) da nije osuđivan na безусловnu kaznu zatvora u trajanju dužem od šest mjeseci,
- d) da nije prethodno otpušten iz državne službe ili pravnog lica zbog povrede službene dužnosti u posljednje tri godine,
- e) da se protiv njega ne vodi krivični postupak za krivično djelo za koje se goni po službenoj dužnosti,
- f) da mu pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
- g) da ima odgovarajuću stručnu spremu potrebnu za obavljanje određene dužnosti. (Uslov koji će biti ispunjen po završetku vojne akademije).

2. Posebni uslovi:

- a) završena srednja škola IV stepen ili da trenutno pohađa IV razred srednje škole,
- b) da je postigao/la ukupan uspjeh tokom školovanja najmanje vrlo dobar (kandidati/kinje sa prosjekom ocjena odličan će imati prednost ako dva ili više kandidata/kinje imaju jednak ukupan broj bodova),
- c) kandidati/kinje koji trenutno pohađaju IV razred srednje škole, po završetku istog, a najkasnije do 21.06.2019. godine, moraju dostaviti ovjerene kopije svjedočanstva i diplome Sektoru za upravljanje personalom Ministarstva odbrane Bosne i Hercegovine,

- d) kandidati/kinje koji trenutno pohađaju IV razred srednje škole, po završetku istog, moraju u svjedočanstvu imati minimalno isti prosjek ocjena iz svih predmeta kao i u svjedočanstvu sa polugodišta četvrtog razreda koje su predali u dokumentima za prijavu na javni konkurs. Ministarstvo odbrane BiH zadržava pravo na prekid postupka upućivanja kandidata/kinje za kadeta na školovanje ukoliko lice nema minimalno isti prosjek kao i na polugodištu četvrtog razreda,
- e) da nije mlađi/a od 18 i stariji/a od 22 godine na dan 30.09.2019. godine, a za kandidate iz OS BiH da nije stariji/a od 28 godina na dan 31.12.2019. godine,
- f) poznavanje engleskog jezika (provjerava se testom ALCPT),
- g) **poznavanje njemačkog jezika** (nivo A-2), koje će biti testirano u Kasarni Rajlovac,
- h) poznavanje rada na računaru (Word, Excel, Power Point, Internet),
- i) da je prosjek ocjena iz matematike najmanje dobar,
- j) da kandidati nisu oženjeni/udati ili razvedeni, da nisu u drugom stanju i da nemaju zakonsku obavezu izdržavanja djece,
- k) Fizička spremnost:
kandidati/kinje moraju imati dobru fizičku spremnost, koja će biti provjerena kroz sljedeće discipline: trbušnjaci, sklekovi i trčanje na 3200 m.

Napomena: Kandidati/kinje prijavljeni na Javni konkurs biće testirani iz: **poznavanja njemačkog jezika** (testiranju će prisustvovati predstavnici SR Njemačke), psiho test, test općeg znanja, test poznavanja engleskog jezika, test fizičke spremnosti i sa njima će na kraju biti obavljen intervju. Sigurnosnu provjeru za svakog uspješnog kandidata/kinje izvršiće nadležni sektor Ministarstva odbrane Bosne i Hercegovine, a zdravstveni pregled kandidata/kinja koji uspješno prođu testiranje obaviti će nadležna ustanova u organizaciji Ministarstva odbrane Bosne i Hercegovine, kao i obavezno polaganje psiho testa, koje će biti organizovano od strane psihologa OS BiH.

Rangiranja kandidata/kinja vršit će se na osnovu kriterija koje će odobriti Ministrica odbrane Bosne i Hercegovine i sa kojima će biti upoznati kandidati/kinje koji budu pozvani na testiranja i provjere.

III – ŠKOLOVANJE, PRAVA I OBAVEZE

1. Školovanje kadeta na Vojnoj akademiji Oružanih snaga Savezne Republike Njemačke traje 4 (četiri) godine. Na prvoj godini kadeti će usavršavati njemački jezik.
2. Sa kandidatima iz OS BiH koji budu primljeni na Vojnu akademiju SR Njemačke bit će raskinut Ugovor o profesionalnoj vojnoj službi, a zatim bit će sklopljen Ugovor o školovanju sa međusobnim pravima i obavezama u skladu sa važećim propisima. Odabrani kandidati/kinje imat će status kadeta, čija će prava i obaveze biti regulisane u skladu sa članovima: 73., 142. i 143. Zakona o službi u Oružanim snagama Bosne i Hercegovine („Službeni glasnik BiH“, broj: 88/05, 53/07, 59/09, 74/10, 42/12, 41/16 i 38/18) i članom 29. Zakona o platama i naknadama u institucijama Bosne i Hercegovine („Službeni glasnik BiH“, broj: 50/08, 35/09, 75/09, 32/12 i 42/12).
3. Po završetku školovanja, kadeti će biti primljeni u profesionalnu službu u početnom činu oficira Oružanih snaga Bosne i Hercegovine - potporučnik, odgovarajućeg roda - službe.
4. Međusobne obaveze kandidata/kinja izabranog/ne za školovanje na Vojnoj akademiji Oružanih snaga Savezne Republike Njemačke i Ministarstva odbrane Bosne i Hercegovine regulišu se Ugovorom o školovanju.
5. Za vrijeme školovanja kadetima su osigurani smještaj i ishrana u internatu Vojne akademije.

IV POTREBNI DOKUMENTI

- a) Prijava i lični (biografski) podaci (isključivo po obrascima ponuđenim na službenoj internet stranici Ministarstva odbrane Bosne i Hercegovine www.mod.gov.ba),
Napomena: ukoliko kandidat/kinja aplicira na više smjerova, u prijavnom obrascu obavezno navesti redosljed smjerova po prioritetu, na koje aplicira.
- b) Ovjerene kopije svjedočanstava svih razreda srednje škole,
- c) Ovjerena kopija diplome četverogodišnje srednje škole, ili ovjerenu kopiju ocjena sa polugodišta četvrtog razreda srednje škole, s tim da je kandidat/kinja u obavezi naknadno dostaviti ovjerenu kopiju diplome četvrtog razreda srednje škole do 21.06.2019. godine, gdje prosjek ocjena ne smije biti manji od prosjeka ocjena sa polugodišta.
- d) Original ili ovjerena kopija Uvjerenja o državljanstvu na novom obrascu, ali ne starije od 6 (šest) mjeseci,
- e) Original ili ovjerena kopija Izvoda iz matične knjige rođenih na novom obrascu, ali ne stariji od 6 (šest) mjeseci,
- f) Uvjerenje o nevođenju krivičnog postupka, ne starije od 3 (tri) mjeseca,
- g) Izjava kandidata/kinje da u posljednje 3 (tri) godine nije otpušten/a sa posla zbog povrede službene dužnosti ovjerena kod nadležnog općinskog organa (isključivo po obrascu ponuđenom na www.mod.gov.ba),
- h) Prijava prebivališta CIPS-a ne starija od 3 (tri) mjeseca,
- i) Dokaz o poznavanju rada na računaru (za kandidate/kinje koji tokom srednje škole nisu imali predmet informatika),
- j) Saglasnost za obradu biografskih podataka/informacija za potrebe procesa konkurisanja na vojne akademije (isključivo po obrascu ponuđenom na www.mod.gov.ba).

Napomena: Konkursna dokumentacija neće se vraćati kandidatima/kinjama.

V ODABIR KANDIDATA

Odabir kandidata izvršit će Komisija koju će formirati Ministrica odbrane Bosne i Hercegovine.

VI PRIJAVA NA JAVNI KONKURS

Sve tražene dokumente treba dostaviti preporučeno putem poštanske službe na adresu:

Ministarstvo odbrane Bosne i Hercegovine

Ul. Hamdije Kreševljakovića 98

71 000 Sarajevo

Sa naznakom „Interni konkurs za školovanje kadeta u SR Njemačkoj“

Konkurs ostaje otvoren 30 (trideset) dana od dana objavljivanja. Ispunjavanje uslova utvrđenih ovim Javnim konkursom računa se danom predaje prijave.

Nepotpune, neblagovremene i neuredne prijave, prijave kandidata koji ne ispunjavaju uslove ovog Javnog konkursa, kao i kopije tražene dokumentacije koje nisu ovjerene, neće se uzimati u razmatranje.

Broj: 10-33-2-806-2/19
Sarajevo, 04.03.2019. godine

MINISTRICA
Marina Pendeš